



Broj: 01/02-16056-2-1/17  
Zenica, 11.01.2018. godine

ZENIČKO-DOBOJSKI KANTON  
VLADA KANTONA  
Stručna služba Vlade  
n/r sekretara po ovlaštenju

**PREDMET: Amandman I poslanika Edhema Fejzića na Prijedlog Zakona o plaćama i naknadama u organima vlasti Zeničko-dobojskog kantona – dostavljaju se**

U prilogu ovog dopisa, dostavljamo Vam **amandman I poslanika Edhema Fejzića na Prijedlog Zakona o plaćama i naknadama u organima vlasti Zeničko-dobojskog kantona**, a radi izjašnjenja Vlade Kantona o istim, u skladu sa odredbama članova 138. i 139. Poslovnika Skupštine Zeničko-dobojskog kantona -Novi Prečišćeni tekst («Službene novine Zeničko-dobojskog kantona», broj: 7/12 i 12/13).

Navedeni amandman je blagovremen shodno Odluci Kolegija Skupštine broj: 01-01-348-2/18 od 09.01.2018. godine donesenoj na 69. sjednici Kolegija, prema kojoj se produžava rok za podnošenje amandmana na Prijedlog Zakona o plaćama i naknadama u organima vlasti Zeničko-dobojskog kantona **najkasnije do 16.01.2018. godine (utorak) do 10,00 sati**.


Molimo vas da nam izjašnjenje Vlade Kantona po navedenom amandmanu dostavite što prije, a obavezno prije početka održavanja 54. sjednice Skupštine zakazane za dan 17.01.2018. godine (srijeda), u 10,00 sati, kako bi Zaključak Vlade Kantona sa izjašnjenjem na isti mogli blagovremeno dostaviti poslanicima Skupštine na e-mail adrese, te iskopirati i podijeliti i u pismenom obliku svim poslanicima Skupštine, prije početka navedene sjednice.

S poštovanjem,

**PRILOG: Kao u dopisu**

**Dostavljeno:**

- 1 x Naslovu,
- 1 x Ministarstvo za pravosuđe i upravu,
- 1 x Svim poslanicima Skupštine/05-03
- 1 x Svim članovima Zakonodavno-pravne komisije/04-01
- 1 x 02,
- 1 x U spis predmeta 54. sjednice Skupštine/05-03



EDHEM FEJŽIĆ, zastupnik u Skupštini Zeničko-dobojskog kantona

Zenica, dana 11.01.2018. godine

02/M.01/18  
05-03/M.01/18

SKUPŠTINA  
ZENIČKO-DOBOJSKOG KANTONA  
n/r predsjedavajućeg

SKUPŠTINA ZENIČKO - DOBOJSKOG KANTONA			
Primijeno:	11.01.2018.		
Org. jed.	Broj	Prilog	Vrijednost
01-	02-	16055-2/17	

**PREDMET: Amandman na Prijedlog Zakona o plaćama i naknadama u organima vlasti Zeničko-dobojskog kantona – dostavlja se**

Štožno određbi člana 133. i 134. stav 1., 2. i 3. Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13), **podnosim amandman na Prijedlog Zakona o plaćama i naknadama u organima vlasti Zeničko-dobojskog kantona, kako slijedi:**

#### AMANDMAN I

U dijelu Prijedloga navedenog Zakona **DIO ŠESTI-PRIJELAZNE I ZAVRŠNE ODREDBE dodaje se novi član 49. koji bi glasio:**

#### „Član 49.

#### (Prijelazne odredbe o plaćama)

Svakom državnom službeniku i namješteniku kojem po stupanju na snagu ovog zakona, primjenom novih platnih razreda i koeficijenata za obračun plaće, bude obračunata niža osnovna plaća od one koju je imao pravo na dan prije stupanja na snagu ovog Zakona, dodijelit će se naknada plaće koja će biti jednaka razlici novoodređene osnovne plaće istog u skladu s ovim zakonom i osnovne plaće na koju je imao pravo na dan prije stupanja na snagu ovog zakona. Ovo pravo na naknadu razlike plaće mu pripada sve dok razlika u plaći na koju je imao pravo prije stupanja na snagu ovog zakona ne bude pokrivena budućim povećanjima njegove osnovne plaće. U ovom periodu vrši se usklađivanje navedene naknade plaće prilikom svakog povećanja njegove nove osnovne plaće.”

Dosadašnji članovi 49.-53. postaju članovi 50.-54.

#### Obrazloženje

Primjenom Zakona o plaćama i naknadama u organima vlasti Zeničko-dobojskog kantona, a imajući u vidu Sporazum koji je dana 19.06.2017. godine premijer Zeničko-dobojskog kantona potpisao sa Pregovaračkim timom Samostalnog sindikata državnih službenika i namještenika u organima državne službe, sudskoj vlasti i javnim ustanovama u FBiH, (objavljen u “Službenim novinama Zeničko-dobojskog kantona“ broj: 7/17), kojim je dogovorena osnovica za obračun plaće zaposlenih u kantonalnim organima državne službe u iznosu od 239,70 KM, što znači da bi satnica bila samo 1.36 KM iako je članom 7. stav (4) Općeg kolektivnog ugovora za teritorij Federacije BiH („Službene novine Federacije BiH“ broj 48/16) propisano da najniža satnica ne može biti manja od 2.31 KM, doći će do znatnog smanjenja plaća rukovodećih državnih službenika, u prosjeku od 500.00 do 1.000.00 KM, kao i do smanjenja plaća pojedinih namještenika i pojedinih državnih službenika u nižem iznosu.

S obzirom na složenost i odgovornost poslova koje obavljaju rukovodeći državni službenici, u skladu sa Uredbom o poslovima osnovne djelatnosti iz nadležnosti organa državne službe koje obavljaju državni službenici, uvjetima za vršenje tih poslova i ostvarivanju određenih prava iz radnog odnosa („Službene novine FBiH“, broj: 35/04, 3/06, 19/12 i 8/14), a imajući u vidu jasno opredjeljenje dijela članova radnih tijela Skupštine Zeničko-dobojskog kantona i poslanika u Skupštini Zeničko-dobojskog kantona, iskazano u toku rasprave o Nacrtu Zakona o plaćama i naknadama u organima vlasti Zeničko-dobojskog kantona, na 47. sjednici Skupštine održane dana 20.09.2017. godine, ovim amandmanom predlažem dodavanje novog člana 49. Nacrta Zakona o plaćama i naknadama u organima vlasti Zeničko-dobojskog kantona, u gore navedenom tekstu. **Napominjemo da se identična prelazna odredba o plaćama već nalazi u članu 127. Zakona o policijskim službenicima Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 4/14), i ista se primjenjuje čak 11 godina, te da je ista predviđena i u Zakonu o plaćama i naknadama policijskih službenika Zeničko-dobojskog**

**kantona, koji je donesen na 50. sjednici Skupštine, održane 29.11.2017. godine - To je predviđeno u Članu 35. pomenutog Zakona (Prelazna odredba o plaćama).**

Smatram da izvršna i zakonodavna vlast ne smije vršiti diskriminaciju između pojedinih kategorija zaposlenika, zavisno od toga u kojoj oblasti/segmentu društvenog, političkog i privrednog života su zaposleni, jer pravo na plaću ostvaruju svi iz javnog-državnog sektora i iz jednog, jedinstvenog Budžeta Kantona.

***Prihvatanjem predloženog amandmana, rukovodeći državni službenici bi zadržali postojeći nivo plaća, a istovremeno bi došlo i do povećanja plaća namještenika i ostalih državnih službenika...tj. niko ne bi bio na gubitku, odnosno navedena odredba ne bi iziskivala izdvajanje dodatnih finansijskih sredstva iz Budžeta Kantona kada su u pitanju plaće rukovodećih državnih službenika, jer su iste već planirane u Budžetu Kantona u postojećoj visini.***

Primjenom navedenog Zakona i dogovorene osnovice za plaću, rukovodeći državni službenici se lišavaju svojih već stečenih prava na odgovarajuću plaću, koja se može smatrati adekvatnom velikoj složenosti njihovih poslova i znatno većoj odgovornosti za obavljanje istih, u odnosu na složenost poslova i odgovornosti ostalih zaposlenih u organima državne službe za obavljanje poslova njihovih radnih mjesta. Pored toga, isto predstavlja degradaciju i poniženje rukovodećih državnih službenika jer se time njihov rad, stručnost i odgovornost potcjenjuju i omalovažavaju.

Napominjem, da bez rukovodećih državnih službenika nije moguće kvalitetno i blagovremeno organizovati rad kantonalnih organa državne službe, a posebno nije moguće pripremiti brojne zakone i druge propise, organizovati rad Vlade i Skupštine Kantona, kao ni mnoge druge stručne poslove iz djelokruga rada i nadležnosti kantonalnih organa državne službe i Skupštine Kantona.

Imajući u vidu sve naprijed navedeno, predlažem da prihvatite navedeni amandman.

S poštovanjem,

ZASTUPNIK

*Edhem Fejzić*